

Lajčák se sastao sa Lagumdžijom



Visoki predstavnik i specijalni predstavnik EU Miroslav Lajčák je današnjim susretom u Sarajevu sa Zlatkom Lagumdžijom, predsjednikom Socijaldemokratske partije BiH, nastavio sastanke sa višim političkim zvaničnicima Bosne i Hercegovine.

Visoki predstavnik i specijalni predstavnik EU je naveo očekivanja od tranzicije OHR-a u EUSR. "Tranzicija OHR-a se neće dogoditi po svaku cijenu," rekao je Lajčák. "Strategija međunarodne zajednice je osigurati da Bosna i Hercegovina bude mirna i održiva demokratija na putu ka integraciji u euro-atlantske institucije". "OHR-ova tranzicija predstavlja samo jedan korak ka postizanju tog cilja", istakao je Lajčák.

Izloživši pet ciljeva i dva uslova za tranziciju OHR-a Lajčák je rekao da su zahtjev za pozitivnom ocjenom situacije u zemlji i pitanje državne imovine pitanja koja će se najteže riješavati.

Komisija za državnu imovinu BiH je prošlog oktobra usaglasila funkcionalni i teritorijalni princip za raspodjelu imovine, prema kojem bi entiteti dobili u vlasništvo imovinu koja nije potrebna državi.

"Ustavom BiH nije utvrđeno koji nivo vlasti dobija kontrolu nad imovinom, tako da je neophodan politički dogovor o ovom pitanju", izjavio je Lajčák. Prijedlog koji je usaglasila Komisija za državnu imovinu prošlog oktobra i koji kombinira principe funkcionalnosti i teritorijalnosti "je dobra osnova

za političke razgovore", dodao je visoki predstavnik i specijalni predstavnik EU.